

DISSERTATIO PHILOSOPHICA  
*de*  
indissolubili nexu  
PHILOSOPHIÆ  
*cum*  
IURISPRUDENTIA,  
*quam*  
OPITVLANTE DEO,  
Sub Præsidio  
VIRI  
NOBILISSIMI, AMPLISSIMI atq; EXCELLENTISSIMI,  
DN.

M. DAN. GVIL. MOLLERI.  
Histor. ac Metaph. Prof. P.  
Celeberrimi,

*Domini Patroni atq; Præceptoris sui*  
*æternum de venerandi,*


*pro*  
Summis in PHILOSOPHIA Honoribus  
ritè legitimeq; obtinendis,  
*Examinis publici loco*  
*substitit*

MARTINVS LVTHERVS Jasterling/  
Norimb.

*Ad diem 23. Febr. Anno 1684.*

---

ALTDORF,  
Typis Henrici Meyeri, Universit. Typographi.



m!

**D**iu sane multumq; dubitaui, quodnam mihi eligendum esset thema, Examini publici loco, pertractandum: modo enim hoc, modo iterum aliud mihi proposui. Deniq; post diuturnam considerationem ejusmodi elaborandum putaui, quod scopo studiisq; meis magis magisq; esset conueniens, præ ceteris vero illud quod de indissolubili Philosophiæ & Jurisprudentiæ nexu agit, sub incudem disputationis reuocare decreui, quippe quia, nexus quem inter se agnoscunt, ex ipsis Pandectarum voluminibus satis abundeq; apparet; pluscula enim doctrinæ Philosophorum & imprimis stoicæ, vestigia observare ibi licet: (neq; tamen idcirco Justinianei Compilatores solum stoicæ Philosophiæ mancipati fuisse; sed pro lubitu ex omnibus optima quæq; sibi elegerunt, uti hoc quoq; indicatum, iur. Dn. D. Schilter, § Ctus acutissimus in Phil. Jur. c. 1. §. 7. p. m. 8.) hujus igitur Thematici tractationem, DEO annuente, quatuor absolutam Sectionibus.

## SECTIO I.

Continens Auctorum circa hanc materiam  
sententias.

§. I.

**A**Liquot abhinc Seculis, docti quidem homines, & eloquentiæ laude hodieq; celebres; veruntamen non satis circumspecti, modesti & prudentes, plau-

fra quædam convitiis in Philosophiam effudere, eamq;  
ut vanam, inanem, falsam, stultam, furiosam, aliisq; generis  
ejusdem nominibus diffamare.

17.

Sectatores vero illius tum aliorum tum hujus quoque  
criminis arguere non dubitarunt, quod ii ad corpus omnia,  
nihil vero ad mentem referant. Mundi arcana & cœleste  
hoc templum impiis Disputationibus profanent: Qua-  
propter alii putarunt Jurisprudentiam prorsus Philosophia  
superfedere posse, siquidem sine ulla cognitione philoso-  
phica optimi tamen Jcti evaserint; sed quam utilis ea su-  
perioribus sit Facultatibus, satis prolixè ab aliis evictum,  
itaq; nolumus hic actum agere, quin potius hæc talia in com-  
pendio nosse, cupienti satisfaciet *Gisbert. ab Isendoorn. Curs.  
Log. l. 1. c. 1. q. 5.*

III.

Præterea etiam nonnulli opinati sunt, Philosophiam  
Jurisprudentiæ apprime utilem esse, sed eam duntaxat,  
quæ practicæ nomen sustinet. Philosophiæ vero Theore-  
ticæ usum vel nullum vel perexiguum esse in Jurispruden-  
tia, ceu post plures alios *Michael. Wendelerus in Phil. pract.  
p. m. 43. §. 3. Gisbert. ab Isendoorn. in Eth. peripat. l. 1. c. 1. q. 23.  
p. m. 29. M. Corberus quæst. illust. decad. 4. quæst. 8. & Samuel. Ra-  
schelius in Instit. Jurispr. hoc ipsum asserere videntur.*

IV.

Nos vero & Practicam & Theoreticam Philosophiam,  
(ut ea vulgariter dividi solet) Jurisprudentiæ conducere,  
non tam pro ingenii nostri imbecillitate affirmare non vere-  
mur, sed etiam objectionibus, quæ in conflictu ipso af-  
ferri poterunt, pro viribus satisfacere parati sumus, si unum  
adhuc nobis addere licebit, quod nimirum nihil à quopiam  
possit commode perpendi, nisi mens sit soluta & libera & se-  
grega-

gregata ab omni præconcepta opinione, hoc enim si à quibusdam esset observatum & adhuc observaretur, non tam varia & iniqua judicia de Philosophia tulissent, interea tamen legi hac de re meretur *Valent. Berg. in Diss. ad Philos. p.m. §. 1.*

## SECTIO II.

Statum controversiæ sistens, terminosq; ejus  
evolvens.

### §. I.

**P**hilosophiæ nomine non intelligimus illam squalidam & personatam quam vulgus hodie tantum novit, sed eam, quæ mores componit, marcentia in nobis excitat, soluta constringit, contumacia domat, cupiditates & privatas & publicas coercet. Neg; enim Philosophia populare est artificium, nec etiam adhibetur ut aliqua oblectatione consumantur dies, & ut dematur otio nausea, sed potius ut agenda & omittenda demonstret, ut affectibus frænum injiciat, mentem à corpore deducat, animum Deo ac rectæ rationi subjiciat, & animo ceteras res humanas..

### II.

Proinde non possunt non ea nobis placere, quæ ingeniosissimus naturæ scrutator *Anton. le Grand* hunc in modum de Philosophia annotavit: *Philosophia*, inquit, *si nominis etymologiam spectemus, sapientia amor est ac studium: at vocabulo sapientia nihil aliud quam mentis dispositio intelligitur, qua homo ad rite sentiendum de rebus impellitur, qua ejus perceptioni occurrunt, & ad æquum de iis actionibus examen institucndum, quæ ad vitam ejus pertinent.*

### III.

Jurisprudentiæ naturam nemo melius ipso *Justiniano Imperatore* indagavit, is enim in *§. 1. Inst. de J. & J.* ita eam de-

finis: *Jurisprudencia est divinarum atq; humanarum rerum notitia justis atq; injustis scientia.* Ubi per res divinas atq; humanas optime beatus noster *Luduvell. in Comm. ad h. §. objectum Jurisprudenciæ explicat, in quantum de iis Jus & Justitia est administranda, Justitia scil. universalis, quam non solum textus quamplurimi, sed & præceptorum propositorum generalitas evincunt, quibus insuper Auctoritas accedit VIRO RUM Consultissimorum, eandem hanc sententiam comprobantium calculo suo, quorum alter DN. D. LINCKIUS, alter vero DN. D. GEIGERUS, utriq; VIRI incomparabiles & undiquaq; Celeberrimi, Domini Patroni ac Præceptores mei ætatem colendi, ille quidem in Collegio privato Pand. iste vero in Collegio Inst.*

IV.

Ceterum distinguenda est Jurisprudencia universalis à Jurisprudencia Romana, ut utenim Jurisprudenciæ Romanæ magna sit dignitas & auctoritas, multo tamen major est Jurisprudenciæ universalis, universum genus humanum attinentis. Jurisprudencia, quippe universalis absolute considerata tantum circa jura naturæ est occupata, quibus, cum omnes homines obligentur, in quacumq; vixerint Republica; hoc sibi nomen merito vindicat. Jurisprudenciæ autem Romanæ libri non tantum sua & Romana Jura complectuntur, legibus mere arbitrariis proposita, sed & eximia juris naturalis commentationes.

V.

Quando igitur dicimus indissolubilem nexum esse Philosophiæ cum Jurisprudencia, hoc præcipuè intendimus Philosophiam & Jurisprudenciam quam maximè universalem, nec non Romanam, quoad sua placita eidem superstruam tam firmo invicem colligatam esse vinculo, ut neutra sine altera vel disci commodè vel doceri vel exerceri queat indeq; quam plurima ex Philosophiæ fontibus Juris St.

diol



dioso haurienda esse, nemo nisi minus exercitatus affirmaverit.

## SECTIO III.

Sententiæ nostræ veritatem adstruens.

§. I.

SI jam paulo ante adducta, penitus inspicere non detresemus, manifestum evadet, Jurisprudentiam non aliunde, quam à mentis dispositione originem trahere; mediante qua, homo Jurisprudentiæ deditus, non tam leges proponere, sed & de rebus ipsis Jus & Justitiam administrare impellitur, ac proinde differentia, quæ inter Philosophiam Moralem & Jurisprudentiam constitui assolet, in eo præcipue consistit, quod illa actiones rectæ rationi convenientes suadeat, ista vero hominem ad easdem perficiendas sub spe consequendi boni adigat & adstringat, negligentes autem prorsus vel iis adversantes metu subeundæ poenæ terreat.

II.

Ipsa igitur Jurisprudentia cum disciplina sit practica (vulgo enim ita audit) quam optime etiam ex Philosophia practica deduci potest, atq; quàm maxime omnem Philosophiam practicam sibi adjungi cupit, neq; eo ipso, (quasi à ceteris Philosophiæ partibus Jurisprudentia soluta aut disjuncta esset) putandum erit, doctrinam quippe Moralem in Physica, Physicam in Metaphysica, radicari ac fundari, notius est quàm ut fusè à nobis demonstrari demum debeat, Metaphysicam vero cum Mathematica affinitatem habere, affirmatui itidem est facile, quippe Mathematica & Philosophia prima, (verba lubet adducere, quæ habet *Excelk. DN. PRÆSES in Programm. de Preparat. abitur. in Ital. pag. 33.*) hoc inter se proprie conveniunt, quod cognitionem utraq; per-

persequitur formarum, quoad immobiles & à concretionem  
 materiae sunt liberae. Sanè *Hugo Grotius*, at quantus Vir, in  
 Methodo sua suadet futuro Jcto, ut etiam Metaphysicam  
 probe addiscat: nam etsi nesciat Juris Studiosus *cui bono ipsi  
 sit Metaphysica aut Philosophia*, admissus deinde ad Facultatem  
 sentit commodum, ceu plura huc spectantia legi queunt  
 apud *J. C. Dannhauv. Id. Bon. Diss. sect. 2. §. 94. p. 327.*

## III.

Ciceronem alicubi scripsisse constat *Jurisprudentiam non  
 esse è Pratoris Edicto, neq. è XII. Tabb., sed penitus ex Philosophia  
 fonte hauriendam*, cum Jurisprudentiae naevos haud rectius  
 quempiam correcturum, aut opinionum perplexitatem  
 extricaturum, aut potiore æquitatis quam juris rationem  
 habiturum existimemus, quam subsidaria Philosophiae  
 opera adhibita.

## IV.

Et ipsa experientia rerum omnium magistra nobis in-  
 culcat, eos qui debitam Philosophiae operam navarunt, &  
 præter exquisitam rerum cognitionem, circumspecta pru-  
 dentia usi fuere, multo facilius invenire ac perspicere po-  
 tuisse, quid agendum judicandumve sit, tum quoad factum  
 ipsum, tum quod ad singulas attinebat circumstantias, quam  
 Philosophiam non attingentes, aut nonnisi primis la-  
 bris degustantes Juris studium, utcumq; diligentes, tumultu-  
 rariè tamen versarunt.

## V.

Nimirum hi ipsi non inconcinne iis Nautis similes esse  
 possunt dici, qui gubernaculo & ancora velisq; perditis, cui-  
 vis tempestati & fluctibus suum navigium committunt,  
 & modo in portum satis commodum forte fortuna defe-  
 runtur, modo in brevia incidunt. E contrario illi, qui æqui-  
 tatis latices Philosophicis adminiculis elicere norunt, soli-  
 dioremq;



dioremq; Philosophiæ apparatus ad Jurisprudentiam attulerint, Nautis cum ejusmodi non immerito comparari queunt, qui gubernaculo, ancora, velisq; recte instructi, quam sibi præfixere metam, sine ullo fortunæ ludibrio, aut minima spei frustratione attingunt.

VI.

Quod ipsum laudabili suo exemplo quondam comprobant J Cti maximi nominis *Bachovius, Sutholus, Scipio Gentili, Gæddem, Gifanius, Rittershusius, Lauterbachius* aliiq; qui uti J Cti fuere absolutissimi, ita quoque jure suo Philosophi eminentissimi nominari debent, multa enim more Philosophorum conscripserunt opera, quæ adhuc magni æstimantur ac æstimari debent, ob insignem eorundem utilitatem, quam non solum Cultores legum, sed & alii Eruditi ex iis habere ac percipere possunt.

VII.

Et profecto nisi quis totus pertinacia sit occæcatus, fateri cogitur, eos qui frequentius saniori inhæserunt Philosophiæ, plus æqui & boni erueret ex Jurisprudentiæ legibus: quam alios, qui eam haud curarunt: sæpe enim sæpius Jurisprudentiæ leges explicationem desiderant: etenim latores non omnia legibus comprehenderunt, nec ad omnes facti species descenderunt, sed generaliter, quæ fieri debent, præscripserunt, ideoq; ea parte, qua deficiunt correctionem & directionem requirunt, eam vero nulli alii melius Philosophiæ peritis subministrare valent. Quippe qui rem per causam cognoscere docent, ita quidem, ut intellectui certò constet, hanc vel illam noticiam ex hac vel illa causa indubitato sequi.

VIII.

Quapropter sola Philosophia Juris-Consultum à pravis, erroneis & illaudatis consiliis retrahit, firmiterq; præfer-

vat, ne circumveniri ullo queat modo; quod quidem facile alias fieri potest, in tali præsertim homine, qui nullam rerum habet cognitionem, is enim uti plurimorum ludificationibus est expositus, ita sæpius etiam fraudulenter decipitur. Proinde nihil miserius, aliquis esse dixerit hominem Aphilosopho, negligit enim animum, quo nihil præstantius, se ipsum ignorat, quo nihil turpius, ut ita docti nomen tueri nequeat, nedum JCu, qui Philosophiam penitus ignorat.

XI.

Et certe Deus nulla majori clade Rempublicam affligere potest, quam si eidem Juris peritum præficiat Philosophiæ imperitum, neque enim dici potest, quam multa & quam noxia inde oriantur mala, præsertim si is totus dependeat ab aliorum judicio, neq; per suam scientiam Rempublicam administret, sed per alienam, atq; ita longe melius mihi facere videntur ii, qui Philosophiam cum Juris prudentia ita conjungunt, ut indissolubilis eorum sit, maneatq; nexus: Vita quippe sine Philosophia mors est, & vi vi hominis præcipue Juris periti, sepultura.

X.

Deniq; haud paucos praxis quotidiana juris subministrat casus, quorum decisio fundamentalis, sine exquisita Philosophiæ cognitione haberi nequit; ita e.g. communis sima alias collectio est ista, virgo lac habet, ergo peperit: ac saltem rem cum viro habuit, quod tamen ita simpliciter asserendum non est, distinguendum enim prius, inter lac proprie dictum, & inter album humorem speciem lactis habentem, illius quidem præsentia viri consuetudinem arguit, non verò hujus. Hinc quando viri etiam aliqui lac habere dicuntur, tunc ex Physicorum schola constat, quod sublati lactis organo præcipuo, lac quoque tollatur: glandul

nam

namq; lactiferis & venis viri sunt destituti, itaq; nec lac generare possunt, licet interdum in Virorum mammillis quid inventum, non tam res, quam similitudo lactis fuit, scil. humor albus lacti similis, qui tamen ad nutritionem perfectam prorsus inhabilis. Et sit, quicquid sit, singularia hæc sunt, at scientiam parit universale. Sic de partus etiam tempore variæ agitari solent quæstiones, an videlicet partus septimestris, octimestris, decimestris, undecimestris & duodecimestris sint legitimi, de quibus Juris periti judicium ferre non possunt, nisi consultis prius Physicis, uti quidem harum & similium aliarum controversiarum elegantes & accuratas decisiones reperire licet, apud naturæ Consultiss. Paul. Zach. in libro prorsus aureo quæst. Medico-Legalium.

XI.

Ciceronem amplius si consulere velimus, is de Philosophia tale tulit judicium in *Tusc. quæst. Philosophia*, inquit, *est mater omnium artium ac scientiarum*: Quod quidem ipsum, licet inductione omnium scientiarum probare & ad oculum demonstrare nobis in proclivi esset, speciatim tamen ex Jurisprudentia id luculenter apparet, Jurisprudentiam prorsus cum Philosophia indissolubiliter cohærere. Ut illos silentio involvam, qui solius accuratoris Philosophiæ ope, non tam admirandos in Jurisprudentia progressus brevissimum intra temporis spatium fecere, quam etiam rarissimos in eadem effectus edidere.

XII.

Uti verò Philosophiæ fulcrum historia dici meretur, ita Historiarum cognitione, eos quoque exacte imbutos necessum erit, qui ad Jurisprudentiæ studium sese conferre desiderant. Sane, nullus (audacter cum quibusdam viris eruditionibus pronunciamus) nullus, inquam, *illustris est in Jure titulus, qui ab Historia & consequenter etiam à Philosophia lucem non accipiat aliquam.*

XIII.

De arte utendi recte Ratione seu Logica, nihil jam magnopere dicemus, ea enim tota in docendo occupatur, quo pacto quis de rebus cognoscendis ac judicandis cogitationes suas formare queat; proinde ea in Jurisprudencia ad discenda tanto magis necessaria, quanto magis Jus & Justitiam administrare cupimus.

SECTIO IV.

Sententiæ contrariæ falsitatem redarguens.

§. I.

**I**N oppugnanda & pro cujuslibet animi sententia expugnanda Philosophiæ arce, quamvis variis machinarum, arietum ac telorum generibus utantur, atq; uti possint antagonistæ, ea tamen nec omnia, sed aliqua, nec multa, sed pauciora hic adducere constituimus; partim quod singula recensere sit fere impossibile, partim quod plura proferre sit inutile, quippe quoniam uno vel altero in casum dato, reliquorum fundamenta, una eademq; opera subvertuntur.

II.

*Prima* igitur in percutiendo Philosophiæ muro balista, in eo consistit: quando nimirum adversarii dicunt: Philosophiam non ad consvetudines in Republica aliqua observatas respicere, sed tantum corrigere quid vel innovare unde tale confici solet argumentum. Si Philosophia non ad consvetudines in Republica receptas respicit, sed tantum eas innovat atq; corrigit, sequitur quod Jurisprudencia cum Philosophia non cohæreat nexu indissolubili: Atqui verum est prius nempe quod Philosophia non respiciat ac consvetudines in Republica jam receptas, sed tantum eas innovat atq; corrigit E. & posterius quod nimirum Jurisprudencia cum Philosophia non cohæreât nexu indissolubili.

bil

bili. Atq; ne sine ulla probationis specie hæc talia proferre videantur auctores, tunc probationem suam quam maxime desumunt inde, nempe quod experientia ipsa testetur Philosophiam, si latum unguem aliquid ab ejus rationibus, terminis & loquendi genere differat, statim id corrigere immutare ac reprobare, quod tamen sæpe sæpius Reipublicæ haud parum noceat. Deinde dicunt Jurisprudentiam è contrario semel à se introductas leges & consvetudines receptas, quam strictissime observare, neq; eas nisi summo necessitatis casu corrigere & immutare, unde ulterius concludunt, dicentes: Philosophiam & Jurisprudentiam hoc pacto esse contradictoria, neq; simul & semel stare posse, multo minus indissolubili nexu junctas esse, quin potius posita Jurisprudentia tolli Philosophiam, & posita Philosophia tolli Jurisprudentiam.

III.

Antequam responsio ad hanc objectionem afferatur, non in congruum erit, si prius syllogismum istum conditionalem ad aliquem primæ figuræ modum deduxerimus, ut eo melius responsionis nervus intelligi queat, fundamentum enim syllogisticum, cum in prima figura maxime sit conspicuum, ideoq; expeditius solutio inde eruitur. Proinde argumentamur hunc in modum: Quicquid non ad consvetudines in Republica jam receptas respicit, sed tantum eas innovat atq; corrigit, id cum Jurisprudentia non cohæret nexu indissolubili. Atqui Philosophia non ad consvetudines in Republica jam receptas respicit, sed tantum eas innovat atq; corrigit E. Philosophia cum Jurisprudentia non cohæret nexu indissolubili. Jam respondemus ad majorem, prævia connexionis ejusdem negatione, distinguendo inter consvetudines requisita æquitatis, honestatis & utilitatis habentes, & inter eas requisita essentialia non ha-

bentes, priori modo si consuetudines intelligere velint, tunc haud quaquam concedimus, quod Philosophia eas ullo modo immutandas sibi sumat, sed potius rationibus validissimis confirmare nitatur, sin vero posteriori modo consuetudines introductas sumant, manifestum evadet, non tantum Philosophiam recte facere eas improbando, immutando & rejiciendo, sed & Jurisprudentiam ipsam hoc intendere, quæ nihil, nisi quod cum æquo, recto & justo convenit, tolerare potest. Novimus enim JCtos quosq; Celebratissimos & praxin quoque quotidianam, ad instar palmarii in Jurisprudentia requisiti habere rationem, novimus etiam omne Jus uti debere ratione aliqua, licet ea non semper adeo facile promteq; reddi queat, atq; ratio illa debet consistere in honestate & æquitate, ita tamen ut semper ad Reipublicæ cujusvis statum & utilitatem respectus habeatur, iis enim consideratis, non potest improbari, si consuetudines interdum in hac vel illa Republica mutantur. Haud quaquam igitur majoris supra allati connexio tolerari potest, non enim sequitur, quicquid consuetudines alicujus Reipublicæ immutat, illud non cohæret indissolubili cum Jurisprudentia nexu. Limitamus igitur majorem, & dicimus quicquid consuetudines alicujus Reipublicæ sine ratione &c. immutat, & sic negatur minor, quin potius invertimus argumentum & dicimus, quicquid consuetudines alicujus Reipublicæ ita corrigit & immutat, ut Status Reipublicæ melior reddatur, illud cohæret indissolubili cum Jurisprudentia nexu. Atqui: Philosophia consuetudines alicujus Reipublicæ ita corrigit & immutat, ut Status Reipublicæ melior reddatur. Ergo Philosophia cohæret indissolubili cum Jurisprudentia nexu. Quibus ita positis minor etiam allati supra argumenti non erit admittenda, siquidem Philosophia non immutat consuetudines, quas nondum bene perspexit



sed accuratissime demum perspectas, si observaverit minus eas Reipublicæ conducere, corrigit, inque meliorem statum deducere laborat. Quid quod etiam Philosophiam, (non tamen simpliciter ut Philosophiam, sed ut Jurisprudentiæ adsociatam) circa Reipublicæ consuetudines examinandas versari posse non dubitamus.

IV.

*Secunda* obiectio: huc argumentandi formæ includitur: Quodeumq; solum versatur in inquisitione ejus, quod non tam cedit in usum Reipublicæ, quam potius detrimentum, insimulq; efficit ut non tam verissimis aliorum sententiis credamus, quam nostræ pertinaciter inhæreamus, & quamlibet rem, ingenii ostendendi gratia, in Disputationem vocemus, illud neutiquam cum Jurisprudentia cohæret nexu indissolubili. Atqui: Philosophia solum versatur in inquisitione ejus, quod non tam cedit in usum Reipublicæ, quam potius detrimentum, insimulq; efficit, ut non tam verissimis aliorum sententiis credamus, quam nostræ pertinaciter inhæreamus, & quamlibet rem, ingenii ostendendi gratia in Disputationem vocemus. *E.* Philosophia neutiquam cum Jurisprudentia cohæret nexu indissolubili. Major extra dubitationis periculum posita esse creditur, proinde haud opus esse ulla ad eam probandum ratione. Minor itidem pro manifesta habetur, quippe quod aperte constet, Physicam, Metaphysicam aliasq; Philosophiæ partes solum in inquisitione ejus versari, quod Reipublicæ commodum non promovet, sed potius impedit ac aufert. Verum enim vero ut ut majorem recte consideratam admittere queamus, Minorem tamen ita simpliciter concedere non possumus. Etenim quis, nisi Philosophiæ genuinæ ignarus asserendum sibi sumet, Philosophiam in inquisitione eorum versari, quæ in detrimentum cedunt Reipublicæ, aut quæ dispu-

taces

taces solum faciat homines? Censemus itaque esse distinguendum (1) inter Philosophiam veram & simulatam seu spuriam. (2) Inter Disputationem ceu necessariam veri consequendi scaturiginem & inter Disputationem ceu vanum altercandi pruritum. (3) Inter modestum sententiarum etiam verissimarum examen, & inter immodestam quarumvis sententiarum exagitationem. (4) Inter inquisitionem eorum quæ in detrimentum cedunt Reipublicæ, approbativam & reprobativam. Secundum priora distinctionum membra minorem negamus, secundum posteriora vero concedimus totum argumentum.

V.

*Tertia objectio* peti solet ab aliorum auctoritate, qui dicunt, quod ii, qui in addiscenda Philosophia multum adhibuerunt diligentia, inutiles prorsus consenuerint, nec quicquam laudabile aut utile vel in societate humana vel in negotiis publicis presterint: Sed adhæc & id genus alia responderi posse putamus (1) distinguendo, inter eos qui Reipublicæ profunt directe, & inter eos qui eidem profunt indirecte. (2) Inter eos qui in Philosophia genuina consenescent & illi magnam utilitatem negotiis civilibus afferre queunt, & inter eos, qui in Philosophia spuria consenescent, & illi nullam utilitatem negotiis civilibus afferunt. (3) Inter id, quod fit per se, quod fit per accidens. (4) Inter id quod fit semper, & quod interdum.

VI.

*Quarta objectio* ex ipsa Philosophiæ voce desumitur dicunt enim aliqui Philosophiæ vocem, multo recentior esse, quam ut indissolubili nexu cum Jurisprudencia ab ipsa statim mundi exordio potuerit esse conjuncta; siquidem Philosophiæ appellatio fit in Græcia nata, Græcia videremur vel à græco viro aliquo vel à græco rege quod pri

prisco denominatam esse, Græcorumq; Monarchiam præterpropter A. M. 3622. cœpisse. Sed responsione adhuc non destituimur, dicimus itaq; Philosophiam una cum condito Adamo statim originem sumsisse, atque simul ac homo extitit, etiam Philosophiam extitisse, deinde verba huc quadrare videntur, quæ *Isaacus Casaubonus* in not. ad *Diog. Laërt. Proæm. habet, h. m. Philosophia græca vox est non barbara, ergo Philosophia à Græcis inventa est, non à Barbaris: pari jure Romanis dicere liceat, Medicinam à se inventam, quia Medicina appellatio sit Romana non barbara, & ut Cic. ait in Tusc. quest. l. 5. c. 2. p. m. 247. lit. h. sub fin. Quam rem antiquissimam, cum videamus, nomen tamen confitemur esse recens. Nam sapientiam quidem ipsam quis negare potest non modo re esse antiquam, verum etiam nomine? Quæ divinæ humanarumq; rerum, tum initiorum, causarumq; tum cujusq; rei cognitione hoc pulcherrimum nomen apud antiquos assequatur.*

VII.

Nondum tamen adhuc adversarii desistunt, sed præterea obijciunt & illud, quod Philosophia in varias sectas sit divisa, quarum una quæq; omnes alias evertit, ut se suaq; confirmet, & sicut alias tollit sectas, sic ipsa quoque ab aliis tollitur omnibus, ita ut intestino quasi dissidio & civili bello confici & consumi videatur: Argumentum eorum ita habet: Quæcunq; disciplina in multas est divisa sectas, quarum una quæq; alias omnes evertit, ut se suaq; confirmet, illa vero ipsa quoq; ab aliis tollitur, ita ut intestino quasi dissidio & civili bello confici & consumi videatur, illius disciplinæ cum Jurisprudentia nexus est nullus. Atqui Philosophia in multas est divisa sectas, quarum unaquæq; alias omnes evertit, ut se suaq; confirmet, illa vero ipsa quoque ab aliis tollitur, ita ut intestino quasi dissidio & civili bello confici & consumi videatur. E. Philosophiæ cum Jurispru.

prudentia nexus est nullus. Major iterum extra dubitationis aleam est posita. Jurisprudencia enim firmis innititur principiis, quæ destrui non possunt, nisi insimul totum evetatur Jus naturæ, quod tamen impossibile. Ad demonstrandam vero minorem probationes è longinquo petere nihil opus est. Cum Philosophorum aliqui res scientia comprehendendi, alii vero nihil scire nos posse contendunt, atque ita quandam non philosophandi Philosophiam constituent inter illos vero quorum studium in disponendo vitæ statum & moribus formandis consumitur, mirum profecto, quantæ, & quam varia discrepantium sententiarum dissidia in eo se offerunt, in quo tamen totius sapientiæ civilis cardo versatur, dum alii summum hominis bonum in voluptate animi, alii in voluptate corporis positum esse, censent, alii cum voluptate honestatem conjungunt, alii doloris privatione, alii in scientia, alii in virtute & honestate, vel quod idem est in virtutis usu, alii denique in re alia collocant. Respondemus iterum iterumque ad majorem, distinguendum scilicet inter disciplinam principia falsa subvertentem secundum fundamenta rectæ rationis, & inter eam, quæ ex solo contradicendi pruritu hoc facit, priori modo si sumatur major propositio, concedo, quod Philosophia vera aliorum principia falsa subvertat, ut eo magis sua confirmet; si vero posteriori modo, nego minorem, quod Philosophia ex solo contradicendi pruritu, hoc peragat, sed potius ratione veri indagandi: Præterea si ob sententiarum diversitatem & sectarum pluralitatem sinistrum de Philosophia ferre licebit judicium, quid de Christianismo, sive Religione Christiana universa dicemus, quam non hodie tantum, sed olim etiam à primo statim illius ortu, in numeris fere principiosissimarum hæresium factionibus vexatam & distractam fuisse constat. Quapropter uti vera Religio contra

omn

omnes Satanæ machinationes, & Sociorum ejus telaq;  
ignesq; tanquam Marpesia Cautes immota subsistit, ita vi-  
cissim Philosophia non simulata adversus rabidos vexatissi-  
morum argumentorum insultus incolumis permanebit.

VIII.

Alia adhuc forent, quæ nobis objici possent, at quo-  
niam ea notiora sunt, quam ut hic adducantur, merito ea  
mittimus, ac chartæ parcimus, interim Lectorem Benevo-  
lum, eo ceu par est honore petimus, vel it ea, quæ hæcenus  
à Nobis sunt allata, bene interpretari, quæ vero, uti libenter  
fatemur, sunt omissa ac minus concinne posita, partim li-  
brorum defectui, partim primo Disputationis scribendæ  
conamini, quam maximè autem judicii adhuc imbecillitati  
imputare.

COROLLARIA.

I.

*Judicium Scaligeri, nisi una alterave impedivisset ratio, fere ap-  
probassemus, qui quoties saltationes viderit, dicebat, se non  
posse cernere majores in orbe ineptias, quam si mares  
ac sceminæ ad membranæ strepitum, aut chordæ soni-  
tum, se invicem manibus apprehendere soleant, ac pi-  
carum simiarumq; instar exsiliant, tripudiant, gyros  
efficiant, & quæ harum ineptiarum plures secundum  
mentem illius. Nos verò rationibus edocti, saltationes (nisi  
in malum instituantur finem) magni æstimamus, laudamusve,  
nec verò judicio modo adducto subscribimus.*

II.

*Porro ex Meditat. Polit. Celeberrimi Becmanni affirmare non  
erubescimus, sexui sãmīneo præcedentiam esse concedendam.*

III.

*Virginitatem verò esse & non esse in prædicamento defendimus.*

Quæ

Uæ sanctæ *Sophiæ* connectant vincula *Jura*,  
 His doctæ chartis, *dulcis Amice!* probas.  
 Gratulor ex animo, doctæ sic scribere perge,  
 Et **TIBI** cum *Sophiâ* præmia *Jura* dabunt.

*Hicce Supremos in Philosophiâ Honores,  
 Candidato eorundem optumo atq; LL.  
 Cultori solertissimo, Suo Fæsterlingio,  
 inæsto quidem inter calamitates dome-  
 sticas, sincero tamen animo, faustos  
 felicesq; esse jubet*

HEINRICUS Lind/ D.

*Istinda Gemmis quid Laquearia,  
 Et grandiorum Pyramidum situs  
 Cælo maritatus juvabit?  
 Si Basis haud stabilita surgat.*

*Fultura sic nî Philosophi è penu  
 Depromta Juris Pegmata sustinet  
 Obryzo & Argento polita,  
 Næ celeri pereunt ruinâ*

*Martine felix es, Sophiæ Basin  
 Qui Juris amplis substruis Ædibus:  
 His ritè junctis, ex utrisq;*

**DOCTOR** eris solide eruditus.

*Quâ ipsâ tristrophâ Odula  
 Clarissimo Dn. CANDIDATO,  
 cum pro Supremis in Philosophiâ Honoribus  
 obtinendis  
 publicè disputaret,  
 animicus gratulatur*

PRÆSES.